



新選古今類腋卷之十一

為治類一 紀綱 風俗 賞罰 學校 教化

禮 樂

紀綱



大雅曰。追琢其章。金玉其相。勉勉我王。綱紀四方。○
假樂曰。受福無疆。四方之綱。之綱之紀。燕及朋友。
左傳曰。制事典。正法罪。辟獄刑。董連逃。由質要。治舊
滂。本秩禮。續常職。出滯淹。○閑之以義。糾之以政。行
之以禮。守之以信。奉之以仁。制為祿位。以勸其從。嚴

斷刑罰以威其淫懼其未也。故誨之以忠。聳之以行。教之以務。使之以和。臨之以敬。蒞之以強。斷之以剛。猶求聖哲之士。明察之官。忠信之長。慈惠之師。民於是乎可任使也。

樂記曰。聖人作為父子君臣以為紀綱。紀綱既正。天下大定。○禮運曰。父子篤。兄弟睦。夫婦和。家之肥也。大臣法。小臣廉。官職相序。君臣相正。國之肥也。天子以德為車。以樂為御。諸侯以禮相與。大夫以法相序。士以信相考。百姓以睦相守。天下之肥也。

家語曰。三尺之岸。而虛車不能登也。百仞之山。任負車登焉。則陵遲故也。數仞之墻。而民不踰也。百仞之山。而豎子憑而遊焉。凌遲故也。今世之陵遲久矣。而民無踰乎。

國策曰。家聽於親。國聽於君。古今之公行也。子不反親。臣不逆主。先王之通誼也。

管子曰。萬物尊天而貴風雨。所以尊天者。為其莫不受命也。所以貴風雨者。為其莫不待風而動。待雨而濡也。若使萬物釋天而更有所受命。釋風而更有所

仰動。釋雨而更有所仰。濡則無為尊天而貴風雨矣。今人君之所以尊安者。為其威立而令行也。其所以能立威行令者。為其威利之操。莫不在君也。若使威利之操。不專在君而有分散。則君日益輕。○國有四維。一維絕則傾。二維絕則危。三維絕則覆。四維絕則滅。傾可正。危可安。覆可起。滅不可復措也。

淮南子曰。昔者五帝三王之蒞政施教。必用參伍。何謂參伍。仰取象於天。俯取度於地。中取法於人。乃立明堂之朝。行明堂之令。以調陰陽之氣。而和四海之

節。以辟疾病之蕃。俯視地理。以制度量。察山林水澤。肥磽高下之宜。立事生財。以除饑寒之患。中考乎德。以制禮樂。行仁義之道。以治人倫。而除暴亂之禍。乃澄列金木水土之性。故立父子之親。而成家。別清濁。五音六律相生之數。以立君臣之義。而成國。察四時。季孟之序。立長幼之禮。而成官。此之謂參。制君臣之義。父子之親。夫婦之辨。長幼之序。朋友之際。此之謂五。乃裂地而州之。分職而治之。築城而君之。割宅而異之。分財而衣食之。立太學而教誨之。夙興夜寐而

勞之。此治之紀綱也。

呂覽曰。用民有紀有綱。壹引其紀。萬目皆起。壹引其綱。萬目皆張。為民紀綱者何也。歆也。惡也。

揚子曰。大作綱。小作紀。如綱不綱。紀不紀。雖有羅網。惡得一日而正諸。

白虎通曰。綱者張也。紀者理也。所以疆理上下。整齊人道也。人皆懷五常之性。有親愛之心。是以紀綱疆化。若羅網之有紀綱。而萬目張也。

文中子曰。婦人與事而漢室危矣。大臣均權而魏命

亂矣。儲后不慎而晉室隳矣。此非天也。人謀不臧咎矣夫。

晉史論懷帝曰。基廣則難傾。根深則難拔。理節則不亂。膠結則不遷。是以昔之有天下者。之所以長久也。夫豈無僻主。賴道德典刑以維持之也。○禮樂刑政。於此大壞。如室斯構而去其鑿契。如水斯積而決其隄防。如火斯蓄而離其薪燎也。國之將亡。本必先顛。其此之謂乎。

五朝齊顧歡獻治綱表曰。舉綱提綱。振裘得領。綱領

既理。毛目自張。然則道德網也。物勢目也。上理其網。則萬机時序。下張其目。則庶官不曠。是以湯武得勢。師道則祚延。秦項忽道任勢。則身戮。

北史孫紹疏魏武帝曰。一統之年。持平用之者。大道之計也。亂離之期。縱橫作之者。行權之勢也。故道不可久。湏文質以換情。權不可恒。湏污隆以牧物。文質應世。道形自安。污隆獲理。權勢亦濟。○施約法之制。于競逐之辰。修太平之禮。于鼎峙之日。終能斲雕為朴。變奢從儉。風化既被。而下肅上尊。疆場屢動。而內

安外附。

後魏太延詔曰。操持六柄。王者所以統攝。平政理訟。公卿之所司存。勸農平賦。為宰之所專急。

唐崔林曰。萬目不張。舉其綱。衆毛不整。振其領。

柳澤曰。夫驕奢起於親貴。綱常亂於寵倖。禁之於親貴。則天下從制。之於寵倖。則天下畏親貴。為而不禁。寵倖撓而不制。則政令不常。紀綱不一。奸詐起而暴亂生焉。

五代王守恩傳摠論曰。道德仁義。所以為治。而法度

紀綱亦所以維持之也。自古亂亡之國必先壞其法制。而後亂從之。亂與壞相乘。至蕩然無復紀綱。則必極於大亂。而後及此勢之必然也。是以善為天下慮者。不敢忽於微。而常杜其漸也。

宋真德秀告理宗曰。三綱五常。扶持宇宙之棟幹。奠安生民之柱石。晉廢三綱。而劉石之變興。唐廢三綱。而祿山之難作。

朱子曰。四海之廣。兆民之衆。人各有意欲行其私。而善為治者。乃能總攝而整齊之。使之持循其理。而莫

敢不如吾志之所欲者。則以先有紀綱以持之於上。而後有風俗以驅之於下也。何謂紀綱。辨賢否以定上下之分。核功罪以公賞罰之施也。然紀綱之所以振。則以宰執秉持而不敢失。臺諫補察而無所私。人主又以其大公至正之心。恭已於上。而照臨之。是以賢者必上。不肖者必下。有功者必賞。有罪者必刑。而萬事之統無所闕也。綱紀既振。則天下之人自將各自矜奮。更相勸勉。以去惡而從善。蓋不待黜陟刑賞。一一加於其身。而禮義之風。庶恥之俗。已丕變矣。

金程案上熙宗疏曰。善醫者不視他人之肥瘠。察其脉之病否而已。善計天下者。不視天下安危。察其紀綱之理亂而已。天下者人也。安危者肥瘠也。紀綱者脉也。脉不病。雖瘠不害。脉病而肥者危矣。是故四肢雖無故。不足恃也。脉而已矣。天下雖無事。不足恃也。紀綱而已矣。

元李治對太祖曰。為治之道。不過立法度。正紀綱而已。紀綱者。上下相維持。法度者。賞罰示懲勸。劉秉忠疏曰。立朝省以統百官。分有司以御衆事。紀

綱正於上。法度行於下。天下不勞而治也。

許衡疏曰。治人者法。守法者人人。法相維。上安下順。高皇帝曰。夫人君者。斯人之宗主。朝廷者。天下之根本。禮義者。御世之大防。

李夢陽應詔上書曰。夫無禮義。則佞人進。乏廉恥。則國無防。佞人進。則互相欺詆。國無防。則紀綱不張。王子充演連珠曰。綱以綱為總。服以領為尊。綱舉而目自張。領振而衣乃循。是以道者政之領。聖人脩道不脩政。吏者民之綱。聖人治吏不治民。

蒙泉雜書曰。革弊如接戰。無援者不勝而敗。建利如務農。不力者無獲。革弊而上不援者身危。建利而下不與者謗作。

風俗

觀象曰。先王以省方。觀民設教。○漸象曰。君子以居德善俗。

伊訓曰。敢有恒舞于宮。酣歌于室。時謂巫風。敢有殉于貨色。恒于遊畋。時謂淫風。敢有侮聖言。逆忠直。遠耆德。比頑童。時謂亂風。○畢命曰。道有升降。政由俗

革。○商俗靡靡。利口惟賢。餘風未殄。

詩序曰。王道衰。禮義廢。政教失。國異政。家殊俗。○小雅天保曰。民之質矣。日用飲食。群黎百姓。徧為爾德。左傳曰。舉不失職。官不易市。爵不踰德。師不陵正。旅不偏師。民無謗言。

禮弓曰。國奢則示之以儉。國儉則示之以禮。○祭義曰。昔者有虞氏貴德而尚齒。夏后氏貴爵而尚齒。殷人貴富而尚齒。周人貴親而尚齒。○王制曰。凡居民材。必因天地寒煖燥濕。廣谷大川異制。民生其間異

古今類聚 卷一
俗剛柔輕重遲速異齊。五味異和。器械異制。衣服異宜。脩其教。不易其俗。齊其政。不易其宜。○司徒一道德以同風俗。○表記曰。夏道尊命。先祿而後威。先賞而後罰。親而不尊。其民之敝。卷而愚。喬而野。朴而不文。殷人尊神。先鬼而後禮。先罰而後賞。尊而不親。其民之敝。蕩而不靜。勝而無恥。周人尊禮尚施。賞罰用爵。列親而不尊。其民之敝。利而巧。文而不慚。賊而蔽。○禮運曰。今大道既隱。天下為家。各親其親。各子其子。貨力為己。大人世及以為禮。城廓溝池以為固。禮

義以為紀。以正君臣。以篤父子。以睦兄弟。以和夫婦。以設制度。以立田里。以賢勇知。以功為己。○儀禮曰。五家為比。使之相保。五比為閭。使之相受。四閭為族。使之相蒞。五族為黨。使之相救。五黨為州。使之相闕。五州為鄉。使之相賓。

國語。公父文伯之母曰。昔聖王之處民也。擇瘠土而處之。勞其民而用之。故長王天下。夫民勞則思。思則善心生。逸則淫。淫則忘善。忘善則惡心生。沃土之民不材。淫也。瘠土之民莫不嚮義。勞也。

管子曰。所好惡不違於上。所貴賤不逆於令。毋上拂之事。毋下比之說。毋侈泰之養。毋踰等之服。謹於鄉里之行。而不逆於本朝之事者。國之經俗也。

尹文子曰。昔齊桓公好衣紫。闔境不鬻異采。楚莊好

細腰。一國皆有饑色。上之所以率下。乃治亂之所由

也。故俗苟_{惡也}泯。必為治以矯之。物苟_{濫也}溢。必立制

以檢之。昔晉國苦奢。文公以儉矯之。乃衣不重帛。食

不兼肉。無幾時。人皆大布之衣。脫粟之飯。越王勾踐

謀報吳。欲人之勇。路逢怒蛙而執之。比及數年。民之

長幼臨敵。湯火不避。

新語曰。昔者周先王不能事後母。出居於鄭。而下多

叛其親。秦始皇驕奢靡麗。好高臺榭。廣宮室。則天下

豪富。制屋宅者莫不_音放_傲之。設房闥。備廐庫。繕雕琢

刻畫之好。博玄黃琦瑋之色。以亂制度。齊桓公好婦

人之色。妻姑姊妹。而國中多淫於骨肉。楚平王奢侈

縱恣。增駕百馬。於是楚國逾奢。君臣無別。故上之化

下。猶風之靡草也。王者尚武於朝。農夫繕甲於田。故

君之御下民。奢侈者則應之以儉。驕淫者則統之以

古今類用
理孔子曰。移風易俗。豈家至之哉。先之於身而已矣。
申鑒曰。皇民敦。秦民弊。時也。山民朴。市民玩。處也。辨
紂不易民而亂。湯武不易民而治。政也。皇民寡。寡斯
敦。皇治純。純斯清矣。惟性不求。無益之物。不蓄。難得
之貨。節華麗之飾。退利進之路。則民俗清矣。○史高紀
曰。夏之政。忠。忠之敝。小人以野。故殷人承之以敬。敬
之敝。小人以鬼。故周人承之以文。文之敝。小人以僂。
僂。細碎無
個誠也。故拔僂。莫若以忠。三王之道。若循環。終而
復始。周秦之間。可謂文敝矣。○俗之所欲。因而予之。

俗之所否。因而去之。知予之為取。政之寶也。

司馬相如諭蜀檄曰。父兄之教。不先。子弟之率。不謹。
寡廉鮮耻。而俗不長厚也。

循吏傳曰。漢興之初。反秦之弊。與民休息。凡事簡易。
禁罔疏濶。而相國蕭曹。以寬厚清靜。為天下帥。作畫
一之歌。孝惠垂拱。高后女主。不出房闈。而天下晏然。
民務稼穡。衣食滋殖。至于文景。移風易俗。○漢地理志
曰。凡民函五常之性。而其剛柔緩急。音聲不同。繫水
土之風氣。故謂之風。好惡取舍。動靜無常。隨君上之

古今類明 卷一
情欲。故謂之俗。孔子曰。移風易俗莫善于樂。言聖王在上。統理人倫。必移其本而易其末。此混同天下。壹之乎中和。然後王教成也。

馬廖上疏成帝曰。夫改政移風。必有其本。傳曰。吳王好劍客。百姓多創瘢。楚王好細腰。宮中多餓死。長安語曰。城中好高髻。四方高一尺。城中好廣眉。四方且半額。城中好大袖。四方金匳帛。斯言如戲。有切事實。匡衡曰。朝廷者天下之植幹也。公卿大夫相與循禮恭讓。則民不爭。奸仁樂施。則下不暴。上義高節。則民

興行寬柔和惠。則衆相愛。四者明主之所以不嚴而成化也。何者。朝有變色之言。則下有爭鬪之患。上有自專之主。則下有不讓之人。上有克勝之佐。則下有傷害之心。上有好利之臣。則下有盜竊之民。此其本也。○周南召南。被聖人之化深。故篤於行而庶於色。鄭伯好勇而國人暴虎。秦穆貴信而士多從死。陳夫人好巫而民淫祀。晉侯好儉而民畜聚。太王躬仁。邠國貴恕。由此觀之。治天下者。審所尚也。

王吉諫昌邑王曰。百里不同風。千里不同俗。戶異政。

人殊服詐偽萌生刑罰無極質朴日消恩愛日薄

仲長統傳曰若乃偏情矯用則枉直必過故葛屨履

霜敝由崇儉楚楚衣服戒在窮奢疏禁厚下以尾大

凌弱歛威峻罰以苛薄分崩斯曹魏之刺所以明乎

國風周秦末執所以彰於微滅

晉王坦之廢莊論曰先王知人情之難肆懼違行以

致訟悼司徹之貽悔審褫帶之所緣訟及或錫之鞶帶終朝三褫之

褫奪也象日以訟受服亦不足貴也故陶鑄群生謀之未兆每攝其契

而為飾焉使夫敦禮以崇化月月以成俗誠存而邪

亡利損而競息○軍諮補散髮吏部卑盜擄豈以世

疾名流茲烏自垢臨鍛竈而不回登廣武孫而長

嘯則稽琴絕響阮氣徒存通其旁徑必厭風俗召以

效官居然尸素軌躅之外或有可觀者焉史論士賢

晉紀摠論曰周家世積忠厚仁及草木內隆九族外

尊事黃耆以成其福祿者也而其後妃躬行四教尊

敬師傅服澣濯之衣備煩辱之事化天下以成婦道

是以漢濱之女守潔白之志中林之士有純一之德

○朝寡純德之人鄉乏不貳之老風俗淫僻耻尚失

所學者以老莊為宗而黜六經。談者以虛蕩為辯而
賤名檢。行身者以放濁為通而狹節信。進士者以苟
得為貴而鄙居正。當官者以望空為高而笑勤恪。○
觀阮籍之行而覺禮教崩弛之所由。察庾純賈充之
爭而見師尹之多僻。考平吳之功而知將帥之不讓。
思郭欽之謀而寤戎狄之有虞。覽傅玄劉毅之言而
得百官之邪。核傅咸之奏錢神之論。而覩寵賂之章。
民風國勢如此。雖以中庸之才。守文之主治之。辛有
必見之於祭祀。辛有遘伊川見被髮野祭者曰不出
於百年此其戎乎其禮已先亡矣

季札必得之於聲。畢范燮必為之請死。

范燮及自鄂
陵使祝宗祈

死曰君无礼而克敵天益其疾爱我

者祝我以死无及於难范氏之福也賈誼必為之痛

哭。又况以放蕩之德臨之哉。

煩辱謂
女工

南史戴逵曰。雙劍之節崇。而飛白之俗成。挾琴之容
飾。而赴曲之和作。君子之德風。小人之德草。實在所
以感之矣。

齊顧歆夷夏論曰。混俗以為一。是牽異以為同。破同
以為異。則乖爭之由。淆亂之本也。

陳沈曰。民物推移。質文殊軌。聖賢因機而立教。王公

隨時以適宜。

袁粲駁顧歆曰。文王造周。太伯創吳。革化戎夷。不因舊俗。豈若舟車。理無代用。

袁豹務田議曰。俗吏庸近。迷民之屢遷。譬猶修隄以防川。忘洲丘之改易。膠柱於昔弦。忽官商之乖調。儒唐薛登曰。干木隱而西河美。李陵降而隴西慙。冀缺以禮讓升。而晉人知禮。文翁以經術教。而蜀士多儒。名勝於利。則偷競日銷。利勝於名。則貪暴滋熾。陸贄曰。聽誣誦。審其哀樂。納市價。觀其好惡。訊簿籍。

考其爭訟。覓車服等。其本有儉省作業。察其適舍。

宋陳彭年告真宗曰。六合至廣。萬彙尤多。風俗靡一。嗜欲相摩。如馭朽索。若防決河。左契斯執。六轡遂和。道之以道。民免嬰羅。不懈于位。俗乃偃戈。

蘇轍對英宗曰。時有否泰。物有廢興。方其所安。雖暴君不能廢。及其既廢。雖聖人不能復。故風俗之变法。制隨之。辟猶江河之徙移。強而復之。則難為力也。○國家之所以存亡者。在道德之淺深。不在乎強與弱。曆數之所以脩短者。在風俗之厚薄。不在乎富與貧。

故願崇道德而厚風俗。不願急有功而貪富強。愛惜風俗如護元氣。聖人非不知深刻之法。可以齊衆。勇悍之夫。可以集事。忠厚近迂濶老成。若遲鈍。然終不以此易彼者。知其所得小而所喪大也。

唐文若對高宗曰。漢高慢士。四皓去之。而西都多廉耻之人。先武禮賢。嚴光見之。而東都多節義之士。由上之所風也。

元百官志曰。彌文之習勝。而質簡意微。僥倖之門多。而方正路塞。

素之頑白。紫之山。溼則黑。僅之恆。素之頑白。紫之山。溼則黑。僅之恆。素之頑白。紫之山。溼則黑。僅之恆。

卮辭曰。世代迭更。士習各異。先漢之經術。後漢之名節。晉宋之清談。唐之辭章。宋之道學。一代有一代之所尚。政治之美惡。運祚之綿促。於是焉係。豈偶然哉。葉居升曰。今之天下。猶古之天下。民俗雖漓。而民好善惡惡之心。則未嘗泯也。因其好善惡惡之心。以正風俗。則求治之道在是矣。

賞罰

大有象曰。君子以遏惡揚善。順天休命。○噬嗑象曰。先王以明罰勅法。

罪疑惟輕功疑惟重
秋疑則從去賞疑則從與

大禹謨曰。罰弗及嗣。賞延于世。○皋陶謨曰。天命有德。五服五章哉。天討有罪。五刑五用哉。○其誓曰。今予惟恭行天之罰。○仲虺誥曰。德懋懋官。功懋懋賞。○盤庚曰。無有遠邇。用罪伐厥死。用德彰厥善。○秦誓曰。功多有厚賞。不迪有顯戮。○罪人以族。官人以世。○動用非罰。
小雅彤弓曰。彤弓。召弓。受言藏之。我有嘉賓。中心貺之。鍾鼓既設。一朝饗之。○頌殷武曰。天命降監。下民有嚴。不僭不濫。不敢怠遑。

左傳曰。立天之道。曰陰陽。陽居春。以養育為事。所以生物也。王者繼天而為之子。故有賞。陰居秋冬。以肅殺為事。所以成物也。王者繼天而為之子。則有刑。賞以勸善。非私與也。故五服五章。謂之天命。刑以懲惡。非私怒也。故五刑五用。謂之天討。○善為國者。賞不僭而刑不濫。賞僭則懼及淫人。刑濫則懼及善人。若不幸而過。寧僭無濫。與其失善。寧其利淫。○古之治民者。勸賞而畏刑。樂行賞。恤民不倦。賞以春夏。刑以秋冬。是以將賞而為之嘉膳。嘉膳則既賜。此以知

其勸善也將刑為之不舉。不舉則徹樂。此以知其畏刑也。夙興夜寐。朝夕臨政。此以知其恤民也。○為政者不賞私勞。不罰私怨。賞罰無章。何以勸沮。

王制曰。爵人于朝。與眾共之。刑人于市。與眾棄之。○緇衣曰。好賢如緇衣。惡惡如巷伯。則爵不瀆而民作。慝刑不試而民威服。○儀禮曰。有虞不賞不罰。而民可用。至德也。夏賞而不罰。至教也。殷罰而不賞。至威也。周以賞罰。德衰也。賞不喻時。歆民。速得為善之利也。罰不遷列。歆民。速覩為不善之害也。

國語勾踐曰。進則思賞。退則思刑。如此則有常賞。進不用命。退則無恥。如此則有常刑。

管子曰。勝一而服百。則天下畏之矣。立少而觀多。則天下懷之矣。罰有罪。賞有功。則天下從之矣。○國之

所以為國者。民體以為國。君之所以為君者。賞罰以為君。致賞則匱。致罰則虐。夫賞重則上不給也。罰虐則下不信也。○先其君以善者。侵其賞而奪之。實者也。先其君以惡者。侵其刑而奪之。威者也。○見其可也。喜之有徵。見其不可也。惡之有刑。賞罰信於其所

見雖其所不見其敢為之乎見其可也喜之無徵見其不可也惡之無刑賞罰不信於其所見而求其所不見之為化不可得也○明主之治也懸爵祿以勸其民民有利於上故主有以使之立刑罰以威其下下有畏於上故主有以牧之故無爵祿則主無以勸民無刑罰則主無以威衆故人臣之行理奉命者非以愛主也且以就利而避害也百官之奉法無姦者非以愛主也欲以受爵祿而避害也○為善者君子之賞為非者君子之罰君因其所以來因而予之則

不勞矣○春夏生長秋冬收藏四時之節也賞賜刑罰主之節也四時未嘗不生殺也主未嘗不賞罰也○日月之明無私故莫不得光聖人法之以燭萬民故能審察則無遺善無隱姦無遺善無隱姦則刑賞信刑賞信則善勸而姦止故曰參於日月

晏子春秋景公使晏子為東阿宰三年毀聞於國景公不說召而免之晏子謝曰嬰知過矣請復治阿三年而譽必聞於國景公不忍復使治阿三年而譽聞於國景公說召而賞之公問其故對曰昔者嬰之治

阿也。築蹊徑。急門閭之政。而淫民惡之。舉儉力孝弟。罰偷窳。而惰民惡之。決獄不避。貴強惡之。左右所求。法則予。非法則否。而左右惡之。事貴人體。不過禮。而貴人惡之。是以三邪毀乎外。二讒毀乎內。三年而毀聞於君也。今臣謹更之。不築蹊徑。而緩門閭之政。而淫民說。不舉儉力孝弟。不罰偷窳。而惰民說。決獄阿貴疆。而貴疆說。左右所求。言諾而左右說。事貴人體。過禮而貴人說。是三邪譽乎外。二讒譽乎內。三年而譽聞于君也。昔者毀之。所以當誅者。宜賞。今所以當賞者。宜誅。是故不敢受。

荀子曰。刑當罪則威。不當罪則侮。爵當賢則貴。不當賢則賤。古者刑不過罪。爵不踰德。刑罰不怒罪。爵賞不踰德。分然各以其誠通。是以為善者勸。為不善者沮。刑暴省而威行如流。政令致明而化易如神。韓詩外傳曰。王者之論德也。而不尊無功。不官無德。不誅無罪。朝無幸位。民無幸生。故上賢使能。而等級不踰。折暴禁悍。而刑罰不過。百姓曉然。皆知為善於家。取賞於朝也。為不善於幽。而蒙刑於顯。夫是之謂

古今類用
卷二
定論

中論曰。賞罰不可以疎。亦不可以數。數則所及者多。疎則所漏者多。賞罰不可以重。亦不可以輕。賞輕則民不勸。罰輕則民亡懼。賞重則民徼幸。罰重則民無聊。故先王明庶以德之思。中以平之。而不失其節。夫賞罰之於萬民。猶轡策之於駟馬也。轡策不調。非徒遲速之分也。至於覆車而摧轅。賞罰之不明也。則非徒治亂之分也。至於滅國而喪身。可不慎乎。申鑒曰。賞以勸善。罰以懲惡。人主不妄賞。非徒愛其

財也。賞妄行。則賞不勸矣。不妄罰。非徒慎其刑也。罰妄行。則惡不懲矣。賞不勸。謂之止善。罰不懲。謂之縱惡。在上者能不止下為善。不縱下為惡。則國治矣。劉子華論曰。昔王良之善御也。識馬之饑飽。規矩疾徐之節。故鞭策不載。而千里可期。然不可以無鞭策者。以馬之有佚也。聖人之為治也。以爵賞勸善。以仁化愛民。故刑罰不用。太平可致。然而不可廢刑罰者。以民之有縱也。是以賞雖勸善。不可無罰。罰雖禁惡。不可無賞。賞平罰當。則理道得矣。故君者。賞罰之所

歸誘人以趨善也。其利重，其威大矣。空懸小利，是以勸善。虛設輕威，可以懲姦。矧復張厚賞以施下，操大威以臨民哉。故一賞不可不信也，一罰不可不明也。○史趙高對李斯曰：且夫從外制中，謂之感。從下制上，謂之賊。故秋霜降者，草花落；水搖動者，萬物作。此必然之效也。

賈誼治安策曰：仁義恩厚，人主之芒刃也；權勢法制，人主之斧斤也。今諸侯王皆衆體解也，釋斧斤之用，而欲嬰以芒刃，臣以為不缺則折。

漢鼂錯對賢良策曰：人君之立法也，非以苦民傷衆而為之，陷札也。以之興利除害，尊主安民而救暴亂也。其行賞也，非虛取民財。妄予音與人也。以勸天下之忠孝而明其功也。故功多者賞厚，功少者賞薄。如此，歛民財以顧報其功，而民不恨者，知與而安已也。其行罰也，非以忿怒妄誅而從暴心也。以禁天下不忠不孝而害國者也。故擧大者罰重，擧小者罰輕。如此，民雖伏罪至死而不怨者，知非討之至，自取之也。爰延對靈帝曰：夫愛之則不覺其過，惡之則不知其

善。所以事多放濫。物情生怨。故王者賞人必酬其功。爵人必甄其德。

梅福上成帝書曰。爵祿束帛者。天下之底石。高祖所以厲世摩鈍也。秦則不然。張誹謗之罔。以為漢毆除。倒置太阿。授楚其柄。故誠能勿失其柄。天下雖有不順。莫敢觸其鋒。○戴鵲孝鳥。遭害則仁。烏增逝。愚者蒙戮。則智士深退。

杜欽訟馮奉世功曰。功同賞異。則勞臣疑。罪均刑殊。則百姓惑。疑生無常。惑生不知。所從無常。則節趨不

立。不知所得。則百姓無所措手足。

申屠剛上元后曰。王者承天順地。典爵主祿。不敢以天官私其宗。不敢以天罰輕其親。

諸葛孔明曰。威之以法。法行則知恩。詔之以爵。爵加則知榮。

張裔稱孔明曰。賞不遺遠。罰不阿近。爵不可以無功。取刑不可以貴勢免。此賢愚之所以僉忘其身也。

孔明傳論曰。盡忠益時者。雖讐必賞。犯法怠慢者。雖親必罰。服罪輸情者。雖重必釋。游辭巧飾者。雖輕必

天不能為無者。之秋。聖人不能行。無常。之則。蓋生。而後。未。刑。亦。者。不。怨。刑。乃。不。者。不。助。者。不。秋。霜。日。多。降。上。天。不。能。以。律。方。物。賞。慶。刑。威。同。日。為。施。至。不。能。以。氣。昭。也。考。文。之。然。去。工。石。以。其。方。命。之。罪。為。可。然。為。後。行。備。功。之。受。罪。之。強。弱。不。以。其。日。陳。之。罪。為。可。然。為。而。後。理。其。法。水。之。動。何。也。受。罪。而。困。

不可曰曰曰也
天地之仁萬物也

春者萬物之始也
夏者萬物之盛也
秋者萬物之實也
冬者萬物之藏也
此天之四時也
春者天之德也
夏者天之仁也
秋者天之義也
冬者天之智也
此天之四德也
仁者天之德也
義者天之德也
禮者天之德也
智者天之德也
此天之四德也

人之在天下無
私學之別也
若陽春之自和
好學者不亦
高乎若秋霜之
自肅故嚴霜者
不寒。秦人之
貴及於德也
以為德也。刑
家於羅織人
為身。百石以
長。貴重可令
虛士初心。重
可令出人。喪
也。古者若不以
刑不以刀。若
以當財。祿是
貴之

華歆荐鄭小同疏曰。楚人思子文之治。復命其胤。漢

室嘉江公之德。用顯其世。

晉段灼傳曰。懸魚由於其餌。勇夫死於重報。故荆軻

慕燕丹之義。專音諸感闔閭之恩。七首振於秦廷。吳

刀耀於魚腹。視死如歸。豈不有由然也哉。

蠕蠕傳曰。勲高者賞重。德厚者名隆。今鎮衛北藩。禦

侮朔表。遂使陰山息警。弱水無塵。刊跡狼山。銘功瀚

海。至誠既篤。勲緒莫酬。

唐魏徵上太宗疏曰。今之刑賞。專由喜怒。喜則矜刑

於法中。怒則求罪於律外。小人之惡不懲。君子之善

不勸。而望治安刑措。非所聞也。

王志愔應正論曰。刑賞二柄。惟人主操之。故曰。以力

役法者。百姓也。以生守法者。有司也。以道變法者。君

上也。故捨銜策於奔蹏。則王良不能御。驛停藥石於

膚腠。則俞跗不能攻疾。

陸贄曰。信賞必罰。霸王之資也。輕爵褫刑。衰亂之漸

也。非功而獲爵。則輕。非罪而肆刑。則褻。

頁史 卷十一 鄧相

道行於世而... 加而不行... 之而不加也... 結是刑之威... 力能之可及... 施力能之而不... 及也。功於天地... 錫命之位必當... 保在民... 名宜大是以... 贊毫... 受歸... 孫世之... 官爵若人... 以取天下... 名而輕用也... 為美而加于... 則人多之矣... 為效而加於人

古今類用... 辛替否曰。所惡者逐。逐必忠良。所愛者賞。賞皆讒慝。
宋謝深甫對孝宗曰。人主以爵祿磨礪天下之人才。
固可重而不可輕。以法制隄防天下之僥倖。猶可守
而不可易。

高廟曰。賞以當功。上不為德。罰以當罪。下不為怨。無
善而賞。是謂私愛。無惡而罰。是謂私惡。此不足以為
勸懲。

宣廟語楊榮曰。命德討罪。二者天下公器。舜舉十六
相。誅四凶。而天下服。以天下之好惡為好惡也。齊威

王烹阿封即墨大夫。不以左右之好惡為好惡也。
劉基擬連珠曰。仁暴殊途。非暴則無以為仁之啓。怨

恩異跡。非怨則無以為恩之資。是以赤日流金。嘉樹
之陰。穆若玄冰。裂石。陽春之德。照而。

王子充演連珠曰。上天至公。四序以成。秋霜肅殺。而
木不怨落。春風長養。而草不謝榮。是以聖王御世。使

民不矜。涵之以德義。不知其為惠。躄之以法律。不知
其為刑。

躄與趙同行貌又藉也莊子躄我亦勝我

劉定之題書言事曰。將非賞罰無以將其兵。君非賞

則人... 山之竹... 怨... 是書其... 髮... 稱新... 云結... 朝... 厚秋... 蘭... 咸... 以... 在... 思... 在... 領... 適... 則人... 山之竹... 怨... 是書其... 髮... 稱新... 云結... 朝... 厚秋... 蘭... 咸... 以... 在... 思... 在... 領... 適...

罰元以將其將。○夫既典而不忍奪者，姑息之改也。既進而肯退者，患失之心也。上不行姑息之改，下不懷患失之心，則治平可計日而望矣。
李夢陽應詔上書曰：高其爵，不足以勵廉；賤乎賞，不足以諷。貪緣鑽刺之風，既行而廉耻名節之士，遂寡。亦何利於斯而為之也。

學校

頌泮水曰：思樂泮水，薄采其芹。魯侯戾止，言觀其旗。其旂箨箨，鸞聲噦噦。無小無大，從公于邁。○明明魯

侯克明其德，既作泮宮。淮夷攸服，矯矯虎臣。在泮獻馘。淑問如臯陶，在泮獻囚。

青之于於刺李核處也
書之于於刺李核處也

學記曰：古之教者，家有塾，黨有庠，術有序，國有學，比年入學，中年考校，九年知類通達，強立而不返，謂之大成。○君子如欲化民成俗，其必由學乎。是故古之王者，建國君民，教學為先。○天子曰辟雍，諸侯曰類

辟雍之辟為壁，天子壁水，其池圓，諸侯半之，故曰類。泮類同。宮。○樂正崇四術，立

四教，順先王詩書禮樂以造士。春夏教以禮樂，秋冬教以詩書。文王世子曰：春夏學于棧，秋冬學羽籥。○

夏

月礼太宰以九兩係
邦國之民三曰師以
得氏。師氏以三德
六行教國子保氏教
國子以道。大司馬以
六儀。大司馬以六
德示諸侯。大司馬以
子大夫。學士以
賜。賜以三。學士
之。德。令。

春誦夏弦。太師詔之瞽宗。秋學禮。執禮者詔之。冬讀
書。典書者詔之。禮在瞽宗。書在上庠。
白虎通曰。學之為言覺也。悟所不知也。故學以治性。
慮以變情。○天子立辟雍。何所以行礼樂。宣德化也。
辟者壁也。辟之為言積也。積天下之道德也。雍之為
言壅也。壅天下之殘賊。故謂之辟雍也。
漢成帝詔舉博士曰。古之立大學。將以傳先生之業。
流教於天下也。儒林之官。四海淵源。宜皆明於古今。
溫故知新。通達國體。故謂之博古。否則學者无術焉。

為下所輕。非所以尊道德也。

董仲舒賢良策對曰。夫不素養士而欲求賢。譬猶不
琢玉而求文采也。故養士之大者。莫大乎太學。太學
者。賢士之所關也。教化之本原也。○常玉不琢。不成
文章。君子不學。不成其德。聖王之治天下也。少則習
之學。長則材諸位。爵祿以養其德。故民曉於禮義而
耻犯其長。

宋禮志載晉戴邈表曰。六四有困蒙之吝。君子大養
正之初。○昔仲尼列國之大夫耳。興禮脩樂於洙泗。

之間。四方髦俊。斐然向風。受業身通者。七十餘人。自茲以來。千載寂寞。豈天下小於魯國。賢哲乏於曩時。屬與不屬故也。

齊高祖詔曰。膠庠之典。彛倫攸叙。所以招振才端。啓發性緒。弘字黎氓。納之軌義。是故五禮之迹可傳。六樂之容不泯。

曹思文表曰。成均煥於古典。虎門炳於前經。○國之有學。本以興化致治也。天子於以諮謀焉。於以行禮焉。漢崇儒雅。幾致刑厝。而猶道謝三五者。其致教之

術未篤也。古之教者。家有塾。黨有庠。術有序。國有學。以諷誦相摩也。

陳沈不害上立學書曰。東膠西序。事隆乎三代。環林璧水。業盛於兩京。

隋高祖詔曰。言絕義乖。多歷年代。進德脩業。其道寢微。漢採坑焚之餘。不絕如線。晉乘板蕩之運。掃地將盡。自時厥後。君國多虞。雖復豐宇時建。示同愛禮。函丈或陳。殆為虛噐。遂使紆青抱紫。非以學優。製錦操刀。製錦操刀。子太叔曰。子有美錦。不使人學。製之大官。大邑。而使學者治之。是未能操刀而使割也。

古今類事 卷十一
類多。墻面上。陵下替。網維靡立。雅缺道消。實由於此。邢劭請置學。奏曰。辟雍之禮。蔚爾而復興。諷誦之音。煥然而更作。美榭高墉。嚴壯於外。槐宮棘宇。顯麗於中。元凱可得之於上庠。游夏可致之於下國。後魏劉猷之上高祖表曰。大訓炳于東序。六藝光于麟閣。斯實太平之樞宗。勝殘之要道。有國之靈基。帝王之盛業。安上治民。敦風美俗。其在茲乎。元英奏世宗遣博士分道校練曰。薰蕕之質。均誨學庭。蘭蕭之體。等教文肆。

李訢上高宗表曰。至治之隆。非文德无以經綸王道。太平之美。非良才无以光贊皇風。是以建庠序于京畿。立學宮于郡邑。

崔光上高祖表曰。披雲臺而問禮。拂麟閣以招賢。遠開闕里清波孔堂。

庾信賦曰。設重雲之講。開士林之學。

儒林論曰。天下慕向。文教遠覃。衣儒者之服。挾先王之道。開黉舍。延學徒者。比肩。勵從師之志。守專門之業。辭親戚。甘勤苦者。成市。

唐書陳子昂勸武后與學疏曰。太學者政教之地。君臣上下之取則也。俎豆揖讓之所興也。天子于此得賢臣焉。

魏辛雄上肅宗表曰。學者如牛毛。成者如麟鳳。

真西山曰。古之教法。其近民者教彌數。故二十五家為閭閻。有塾。民朝夕處焉。四閭為族。則歲之讀法者十有四。法者大司徒所頒之三物也。士生斯世。不待舍桑梓而有學。有師。敬無任恤。則閭胥書之。孝弟睦。則族師書之。其所以教人。皆因性牖民而納諸至

善之域。禮鎔染治。以成其德。達其材。古者作人之功。蓋如此。然士之於學。豈特處庠序為然哉。鷄鳴夙興。向晦宴息。皆學之時。微而暗室屋漏。顯而鄉黨朝廷。皆學之地。動容周旋。洒掃應對。皆學之事。知無時之非學。則晝而有為。夜而計過者。其敢懈。知無地之非學。則矜細行。勤小物者。其敢或遺。

朱子曰。聖王作民君師。設官分職。以長以治。而其教民之目。則曰五典而已。然又慮其由而不知。無以久

古今類例 卷之十一
而不壞也。則為之擇其民之秀者。群之以學校。聯之以師儒。開之以詩書。成之以禮樂。夫如是。是以其教易明。其學易成。○古者學校選舉之法。始於鄉黨。而達於國都。教之以德行道藝。而與其賢者能者。蓋其所以居之者無異處。所以官之者無異術。所以取之者無異路。是以士有定志而無外慕。早夜孜孜。惟懼德業之不修。而不憂爵祿之未至也。若夫三代之教。藝為最下。然皆猶有實用。而不可缺。其為法制之密。又足以為治心養氣之助。而進於道德之歸。此古之為法。所以能成人材。而厚風俗。濟世務。而興太平也。○古之有學。主於教人。而因以取士。士之來者。為義而不為利也。有矩範以鎮其浮。有考校以試其進。彼能行吾之義。而所謂利者。兼得之矣。

呂東萊曰。學校之設。非為士之貧而食之也。又非歛群其類。而習為文辭也。不農不商。若何而可以為士。非老非釋。若何而可以為儒。道德性命之理。如何而明治亂興衰之故。何由而達。考之古。以為得失之鑒。驗之今。以為因革之宜。此士之所當用心也。

高廟諭禮部令遼東立學曰。夫聖人之教猶天也。天有風雨霜露無所不施。聖人之教亦無往不行。昔箕子居朝鮮。施八條之約。故男遵禮義。女尚忠信。管寧居遼東。講詩書。陳俎豆。飾威儀。明禮讓。而民化。其化魯謂邊境之民。不可以教乎。

宋濂孔子廟祀議曰。學校者。禮之所自出。猶河瀆之宗瀛海也。猶山岳之祖崑崙也。

教化

觀彖曰。觀天之神道。而四時不忒。聖人以神道設教。

而天下服矣。○賁彖曰。觀乎天文。以察時變。觀乎人文。以化成天下。○咸彖曰。天地感而萬物化生。聖人感人心而天下和平。○恒彖曰。聖人久於其道。而天下化成。○革彖曰。君子豹變。其文蔚也。小人革面。順以從君也。○繫辭曰。通其變。使民不倦。神而化之。使民宜之。

舜典曰。百姓不親。五品不遜。汝作司徒。敬敷五教。在寬。○洪範曰。錫汝保極。○惟皇作極。有猷。有為。有守。汝則念之。不協于極。不罹于咎。皇則受之。而康而色。

無虐筮獨而畏高明。凡厥正人，既富方穀，于其無好德。汝雖錫之福，其作汝用咎。無偏無陂，遵王之義。無有作好，遵王之道。無有作惡，遵王之路。無偏無黨，王道蕩。無黨無偏，王道平。○會其有極，歸其有極。是訓是行，以近天子之光。曰：天子作民父母，以為天下王。○畢命曰：旌別淑慝，表厥宅里，彰善癉惡，樹之風聲。弗率訓典，殊厥井疆，俾克畏慕。○君牙曰：弘敷五典，式和民則。爾身克正，罔敢弗正。民心罔中，惟爾之中。小雅角弓曰：爾之遠矣，民胥然矣。爾之教矣，民胥效。

○大雅棫樸曰：倬彼雲漢，為章于天。周王壽考，遐不作人。○思齊曰：肆成人有德，小子有造。古之人無斃。譽髦斯士。○板曰：天之牖民，如燠如晷，如璋如圭。如取如携，携無曰益。牖民孔易，民之多辟，無自立辟。

燠唱而箴和璋判而圭合言天啓民隨求而得無曰益言得之而無所費以明上化下之易也

左傳曰：在上位者，洒濯其心，壹以待人，軌度其信，可明徵也。而後可以治人。夫上之所為，民之歸也。上所不為，而民或為之，是以加刑罰焉，而莫敢不懲。若上之所為，而民亦為之，乃其所也，又可禁乎。季孫詒盜故武仲云

王制曰。司徒脩六禮以節民性。明七教以興民德。齊八政以防淫。一道德以同俗。養耆老以致孝。恤孤獨以逮不足。上賢以崇德。簡不肖以絀惡。○祭統曰。立愛自親始。教民睦也。立敬自長始。教民順也。教以慈睦而民貴有親。教以敬長而民貴用命。孝以事親。順以聽命。措諸天下。無所不用。○祭法曰。祀乎明堂。所以教天下之孝也。食三老五更於太學。所以教諸侯之弟也。祀先賢於西學。所以教諸侯之德也。耕籍所以教諸侯之養也。朝覲所以教諸侯之臣也。

家語孔子曰。上敬老則下益孝。上尊齒則下益悌。上樂施則下益寬。上親賢則下擇友。上好德則下不隱。上惡貪則下耻爭。上廉讓則下耻節。此之謂七教。七教者。治民之本也。脩則海內無刑民矣。上之親下也。如手足之於腹心。下之親上也。如幼子之於慈母。上下相親。故令則從。施則行也。○恭而敬。可以攝勇。寬而正。可以懷疆。愛而恕。可以容困。溫而斷。可以抑奸。荀子曰。君者儀也。儀正而景正。君者槃也。槃員而水員。君者盂也。盂方而水方。

管子曰。明主之治天下也。靜其民而不擾。佚其民而不勞。不擾則民自循。不勞則民自試。故曰。上無事而民自試。人主立其度量。陳其分職。明其法式。以蒞其民。而不以言先之。則民脩正。所謂抱蜀者。祠器也。故曰。抱蜀不言。而廟堂既脩。○夫明主不美宮室。非喜小也。不聽鍾鼓。非惡樂也。為其傷於本事。而妨於教也。故先慎已。而後彼。官亦慎內。而後外。民亦務本。而去末。○衆人不可戶說。可舉而示也。○御民之轡。在上之所貴。道民之門。在上之所先。為民之路。在上之所

所好。惡故。君求之。則臣得之。君嗜之。則臣食之。君好之。則臣服之。君惡之。則臣匿之。

新語曰。夫法令者。所以誅惡。非所以勸善。故魯閔之孝。夷齊之廉。豈畏死而為之哉。教化之所致也。故曰。堯舜之民。可比屋而封。桀紂之民。可比屋而誅者。教化使然也。故近河之地。濕。近山之土。燥。以類相及也。

鹽鐵論曰。俗非唐虞之時。而世非許由之民。而欲廢

法以治。是猶不用槩括。操曲者曰槩。正方者括。斧斤。欲撓曲直

枉也。故為治者。不待自善之民。為輪者。不待自曲之

古今類聚 卷十一
木。○殘材木以成室屋者非良匠也。殘賊民人而欲
樂者非良吏也。故公輸不因木之宜。聖人不費民之
性。是以斧斤簡用。刑罰不任。政立而化成。扁鵲攻於
腠理。絕邪氣。故癰疽不得成形。聖人從事於未然。故
亂原無由生。是以砭石藏而不施。法令設而不用。斷
已然。鑿已發者。凡人也。治未形。觀未萌者。君子也。○
古者篤教以導民。明辟以正刑。刑之於治猶策之於
御也。良工不能無策而御。有策而弗用。聖人假法以
成教。人成而刑不施。故威厲而不殺。刑設而不犯。今

廢其紀綱而不能張。壞其禮義而不能防。民陷於罔
後而獵之以刑。是猶開其闌牢。發以毒矢也。
史。貨殖傳論曰。俗之漸民久矣。雖戶說以眇論。終不
能化。故善者因之。其次教誨之。其次整齊之。最下者
與之爭。

趙良曰。教之化民也深於命。民之效也捷於令。
丁鴻傳論曰。君子立言。非苟顯其理。將以啓天下之
方悟者。立行非獨善其身。將以訓天下之方動者。言
行之所開塞。可無慎哉。

董仲舒賢良策曰。萬民之從利也。如水之走下。不以教化隄防之。不能止也。是故教化立而奸邪皆正者。其隄防完也。教化廢而奸邪並出者。其隄防壞也。古之王者。南面而治天下。莫不以教化為大務。立太學以教於國。設庠序以教于邑。漸民以仁。摩民以義。節民以禮。故其刑罰甚輕。而禁不犯者。教化行而習俗美也。道者所繇。適於治之跡也。仁義禮智。皆其具也。故聖王已沒。而子孫長久安寧。數百載。此皆禮樂教化之功也。○上之化下。下之從上。猶泥之在鈞。唯甄

者之所為。猶金之在鎔。唯冶者之所鑄。

荀悅申鑒曰。君子以情用。小人以刑用。榮辱者。賞罰之精華也。故禮教榮辱以加君子。化其情也。桎梏鞭朴以加小人。化其形也。若教化之廢。推中人而墜於小人之域。教化之行。引中人而納於君子之塗。漢張敞曰。懇懇用刑。不如行恩。孳孳求奸。未若禮賢。舜舉皋陶。不仁者遠。隨會為政。晉盜奔秦。虞芮入境。讓心自生。化人以德。不在用刑。

匡衡曰。今之偽薄。忤害不讓。極矣。教化之流。非家至

而人說之也。朝廷崇禮。百僚敬讓。道德之行。由內及外。自近者始。然後民知所法。遷善日進。而不自知。王吉曰。聖主宣德流化。必自近始。朝廷不備。難以言法。左右不正。難以化遠。

三國夏侯玄對司馬宣王曰。文質之更用。猶四時之迭興也。今朝臣之制。已得侔至尊矣。玄黃之采。已得通於下矣。欲使市不鬻華麗之色。商不通難得之貨。工不作雕刻之物。不可得也。夫上之化下。猶風之靡草。樸素之教興於本朝。則彌侈之心。自消於下矣。

晉裴頠崇有論曰。衆之從上也。猶水之居器也。故兆庶之情。信於所習。習則心服。其業之服。則謂之理。是以君人必慎所教。

潘尼曰。上好如雲。下效如川。

宋良吏傳論曰。夫善政之於民。猶良工之於埴也。用力寡而成器多。若以上古之化。治此世之民。今吏之良。撫前代之俗。則武城弦歌。將有不暇。淮陽卧治。如或可勉。未必今才陋古。蓋化有淳薄也。

宋禮志載晉王導疏曰。禮義膠固。純風載洽。則化之

古今類聚
所陶者廣而德之所被者大。義之所屬者深而威之所震者遠。由斯而進。可使帝典闕而復補。王綱弛而復張。饗饗改行。獸心革面。揖讓而蠻夷服。緩帶而天下化。得乎其道者。豈難也哉。

袁懷表曰。先王之教也。崇典訓。明禮學。以示後生。道萬物之性。暢為善之道也。故延陵入聘。聞雅音而嗟。咨韓起造魯。觀易象而嘆息。何者。立人之道。於此為首也。

隋史曰。化於姬德。則開田。

相讓為開田。

而興讓。習於羸散。

齊潘徽韻纂序曰。齊魯富經學。楚鄭多良士。

後魏韓顯宗疏曰。古之聖王。必令四民異居者。歆其業定而志專。業定則不偽。志專則不淫。故耳目所習。不督而就。父兄之教。不肅而成。

儒林論曰。夫金之質也。至剛。鑄之可以成器。水之性也。柔弱。壅之可以懷山。

水泛溢而山包其中曰懷。

况乎肖天地之

貌。合五常之德。朱藍易染。薰蕕可變。固以值鄒俗而好長纓。化齊風而貴紫服。

孝義傳曰。淳源既往。澆風愈扇。禮義不樹。廉讓莫脩。若乃縮銀黃。列鐘鼎。立於朝廷之間。非一族也。其出忠入孝。輕生蹈節者。則益寡烏。積龜貝。實倉廩。居於閭巷。非一家也。其悅禮敦詩。守死善道者。則又鮮烏。茲固仁人君子所以興歎。哲后賢宰所宜屬心。如今明教化以救其敝。優爵賞以勸其善。布愷誠以誘其進。積歲月以求其終。則今之所謂少者。可以為多矣。今之所謂難者。可以為易矣。

唐魏徵上太宗曰。五帝三王不易。民以教行。帝道而

帝行王道。而王。顧所行何如耳。

宋敬則折滯論曰。仁義者聖人之蘧廬。典禮者先王之陳迹。祠祝畢。芻狗捐。淳精流。糟粕棄。仁義尚爾。况其輕乎。

陸贄對德宗曰。民者至愚而神。夫蚩蚩之倫。或昏或鄙。此似於愚也。然上之得失。靡不辨。好惡。靡不知。所秘靡不傳。所為靡不効。馭以智則詐。示以疑則偷。接以不禮。則其狗義。輕撫以不情。則其效忠薄。上行則下從之。上施則下報之。若影附形。若響應聲。德宗言誠信致

古今類聚
卷十一
害。陸贄對
之。以此。

劉賁策曰。上人之心有未達。以下情蔽而不得上通。上人之行有未孚。以上澤壅而不得下浹。欲人之化在脩己以先之。欲氣之和在遂性以遵之。進人以行。則枝葉易辨。防下以禮。則耻格自行。○事天地以教人。恭奉宗廟以教人。孝養高年以教人。悌長。字百姓以教人。慈幼。調元氣以煦育。扇太和以仁壽。自然言足以為天下教。動足以為天下法。仁足以勸善。義足以禁非。

